

PRAVILA NAGRADNE IGRE BH TELECOMA

1. ORGANIZATOR

Organizator nagradne igre „*Sretna Nova, uz auto iz snova!*“ je BH Telecom d.d. Sarajevo (sjedište: Franca Lehara br. 7, Sarajevo ID broj: 4200211100005), u daljem tekstu: Organizator. Nagradna igra se priređuje s ciljem promoviranja usluga BH Telecoma.

2. TRAJANJE NAGRADNE IGRE

Nagradna igra „*Sretna Nova, uz auto iz snova!*“ počinje 16.11.2020. i traje do 9.1.2021. godine. Pravila nagradne igre će biti objavljena u ponedjeljak, 16. novembra 2020. godine u dnevnim novinama i na web stranici www.bhtelecom.ba.

3. PODRUČJE ORGANIZACIJE I PROVOĐENJA NAGRADNE IGRE

Područje Federacije Bosne i Hercegovine.

4. PRAVO NA UČEŠĆE

Nagradna igra je namijenjena fizičkim licima, postojećim i novim korisnicima mobilnih postpaid i kombinovanih paketa, fiksne telefonije, Moja TV paketa i Net Flat paketa.

Pravo za učešće u nagradnoj igri stiču automatski svi koji u vrijeme trajanja nagradne igre produže/potpisu ugovor o obaveznom trajanju pretplatničkog odnosa na 12/24 mjeseca, za minimalno jednu od navedenih usluga BH Telecoma.

Pravo na učešće u ovoj nagradnoj igri nemaju osobe zaposlene u BH Telecomu d.d. Sarajevo, kao ni članovi njihove uže porodice (bračni drug i djeca).

5. USLOVI UČESTVOVANJA

U nagradnoj igri „*Sretna Nova, uz auto iz snova!*“ automatski učestvuju svi korisnici usluga BH Telecoma navedeni pod tačkom 4. ovih Pravila.

Nagradna igra će se realizirati u osam sedmičnih (kalendarskih) ciklusa:

- od 16. do 22. novembra,
- od 23. do 29. novembra,
- od 30. novembra do 6. decembra,
- od 7. do 13. decembra,
- od 14. do 20. decembra,
- od 21. do 27. decembra,
- od 28. decembra 2020. do 3. januara 2021.,
- od 4. do 9. januara 2021.

6. NAGRADE

Nagradni fond u ovoj nagradnoj igri čini jedna glavna i osam sedmičnih nagrada, ukupne vrijednosti 72.594,61 KM sa PDV-om.

Glavna nagrada je automobil Renault Novi Captur Edition One Blue DCI 115 EDC. (*automobil je korišten pri snimanju dva nova TV spota BH Telecoma)

Sedmične nagrade su:

- šest mobitela iPhone XS Max 512GB Space i
- dva mobitela Samsung Galaxy Z Flip.

7. IZVLAČENJE DOBITNIKA NAGRADA

Izvlačenje dobitnika glavne i osam dobitnika sedmičnih nagrada biće provedeno putem slučajnog kompjuterskog odabira, na osnovu zadanog softverskog algoritma.

Bazu podataka za dobitnika glavne nagrade će činiti svi koji od 16. novembra 2020. do 9. januara 2021. godine potpišu ugovor o obaveznom trajanju pretplatničkog odnosa na 12/24 mjeseca.

Bazu za izvlačenje sedmičnih dobitnika (ukupno osam) će činiti svi koji u konkretnoj sedmici potpišu ugovor o obaveznom trajanju pretplatničkog odnosa na 12/24 mjeseca.

Izvlačenje sedmičnih dobitnika nagrada će se vršiti dva radna dana po okončanju prethodnog sedmičnog ciklusa, a izvlačenje dobitnika glavne nagrade u period do pet radnih dana po završetku nagradne igre, najkasnije do 15. januara 2021.godine.

Regularnost izvlačenja dobitnika nagrada i provjeru tačnosti podataka, vršit će komisija koju će imenovati BH Telecom.

8. OBJAVA DOBITNIKA NAGRADA

Imena dobitnika sedmičnih nagrada će biti objavljivana svake srijede za proteklu sedmicu na www.bhtelecom.ba, a imena svih dobitnika glavne i sedmičnih nagrada biće objavljena i u jednoj dnevnoj novini.

Dobitnici nagrada pružit će sve informacije i dokumente potrebne da bi se mogla primjeniti *Pravila* ove nagradne igre, kao i odgovarajući zakoni.

9. PREUZIMANJE NAGRADA

Dobitnici će nagrade preuzimati u zgradi BH Telecoma u Sarajevu, Franca Lehara 7 radnim danima od 9 do 15 sati, najkasnije do 28. februara 2021. godine, ili drugačije, prema mogućnostima i dogovoru sa dobitnikom. Pri preuzimanju nagrade dobitnik je dužan da potpiše *Prijemnicu nagrade* sa navedenom nagradom, te predočiti identifikacijski dokument dobitnika nagrade (lična karta/putna isprava dobitnika nagrade).

Sa nagradom koja eventualno ne bude preuzeta, BH Telecom će postupiti na način propisan članom 11. *Pravilnika o sadržaju pravila, uslovima i načinu priređivanja nagradnih igara*.

10. POREZ, ZAMJENA, PRENOS I ODGOVORNOST U VEZI S NAGRADOM

Organizator, BH Telecom, odgovoran je za plaćanje PDV-a na sve nagrade, uključujući i porez na lični prihod dobitnika (11,11 % vrijednosti nagrade), koji je obaveza dobitnika nagrade.

Nije dozvoljena nikakva zamjena nagrade njenom vrijednošću u novcu.

Nagrada se ne može prenijeti niti ustupiti drugima prije nego što se izvrši njeno uručenje dobitniku.

Učesnici se slažu da Organizator, BH Telecom d.d. Sarajevo, neće biti odgovoran u vezi sa prijemom nagrade, te funkcionisanjem ili upotrebom ovako dobijene nagrade. Učesnici prihvataju da Organizator nije, niti će na bilo koji način biti odgovoran za ikakve obaveze, garanciju ili jamstvo koje bi, bilo po zakonu ili po prirodi stvari, mogli nastati u vezi s nagradom, što uključuje, ali se ne ograničava na kvalitet ili prikladnost nagrade.

Isporučiocima nagrada, odnosno proizvođači/trgovci/distributeri od kojih je BH Telecom nabavio nagrade, obavezni su da, uz priloženi garantni list ili drugu validnu dokumentaciju, otklone eventualne nedostatke na nagradama (mobiteli, automobil).

11. OTKAZIVANJE

Organizator ima pravo da, uz prethodno pribavljenu saglasnost Ministarstva finansija/financija FBiH, jednostrano otkáže nagradnu igru u bilo kojoj fazi, uz obavještenje, ukoliko bi došlo do povrede ili teške zloupotrebe *Pravila* ili događaja koji imaju karakter više sile. Ukoliko nastane neka od navedenih okolnosti, izvlačenje i distribucija nagrade biće odmah obustavljena jednostranom odlukom Organizatora, nezavisno od potrebe za njenim eventualnim objavljivanjem. U tom slučaju neće se nadoknaditi troškovi, direktna ili

indirektna šteta učesnicima u nagradnoj igri, niti će se nagradna igra održati. Nagradna igra se može prekinuti prema odluci Organizatora, BH Telecoma, u slučaju više sile, povrede Pravila nagradne igre, te teške zloupotrebe *Pravila* nagradne igre. Organizator ne snosi nikakvu odgovornost u slučaju prekida nagradne igre iz navedenih razloga.

12. ZVANIČNA PRAVILA NAGRADNE IGRE

Samim učešćem u ovoj nagradnoj igri učesnici prihvataju da ih ova *Pravila* obavezuju. Odluke Organizatora donesene prema *Pravilima nagradne igre* konačne su i obavezujuće za sve učesnike. Organizator ima pravo da jednostrano dopuni ili promijeni *Pravila*, uz prethodno pribavljenu saglasnost Ministarstva finansija/financija FBiH te javno objavljivanje u dnevnim novinama i na www.bhtelecom.ba, na kojima su *Pravila* i objavljena.

Odobrenje za organizovanje nagradne igre i saglasnost na *Pravila nagradne igre* je dalo Ministarstvo finansija/financija FBiH Rješenjem broj: UP-05-12-1-887/20 od 27.10.2020. godine

13. ZAŠTITA LIČNIH PODATAKA

Voditelj baze ličnih podataka učesnika u nagradnoj igri neće otkriti ili ustupiti ove podatke trećim osobama. Dobitnici nagradne igre izričito su saglasni da Organizator može koristiti njihovo ime i adresu (navodeći samo grad) u vezi s primopredajom nagrade u člancima i reportažama u svrhu javnog obavještenja o rezultatima nagradne igre.

14. U SLUČAJU SPORA

U slučaju spora između Organizatora i učesnika ove nagradne igre nadležan je Opštinski sud u Sarajevu.